



Broj: T18 0 KTPO 0017943 24
Brčko, 19.08.2026. godine

Optužnica potvrđena dana 01.09.2026. godine

Na osnovu člana 35. stav (2) tačka z) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

N. Š., rođen 1967. godine u Brčkom,

Zbog osnovane sumnje da je:

U periodu od 2017. godine, pa do 20.05.2024. godine, u Brčkom, postupajući u svojstvu direktora preduzeća „Kvadar“ d.o.o. Brčko, kao lice ovlašteno za zastupanje i osoba zadužena za prijem novca od naplate zakupa garaža i parkinga u objektu „Kvadar“, sukcesivno, na mjesečnom nivou, pretežno posredstvom uposlenika preduzeća P.S. i L.N., a nekada i neposredno, preuzimao novčane iznose koje su na ime zakupa garaža uplaćivali A.N., N.S., A.S.M., J.A.V., Dž.J. i R.L., kao i sume novca za dnevne parking karte, koje su mu, na dnevnom nivou predavali radnici preduzeća S.P. i N.L., i to sve u gotovini, da bi taj novac, a što je i htio, zadržao za sebe, iako je znao i bio svjestan svoje obaveze da je dužan da primljeni gotov novac preda na blagajnu preduzeća, što nije učinio, čime je na taj način pribavio sebi protivpravnu imovinsku korist, a istovremeno pričinio materijalnu štetu preduzeću „Kvadar“ d.o.o. Brčko, u ukupnom novčanom iznosu od 52.712,00 KM

čime je učinio krivično djelo – Pronevjera - iz člana 378 stav (3) Krivičnog zakona Brčko distrikta Bosne i Hercegovine.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
